

No. Rujukan : PBBPP.UKK.100-2/1/1(52)

Tarikh : 12 Mei 2022

KENYATAAN MEDIA

PENANG HILL HERITAGE FOREST CHALLENGE 2022 (PHHFC 2022)

Penang Hill Heritage Forest Challenge 2022 (PHHFC 2022) kembali buat edisi ke-7 selepas dua tahun ditangguhkan akibat penularan wabak COVID-19 yang melanda negara serta seluruh dunia. Para pendaki dan pelari dipelawa untuk menandakan kalendar anda bagi acara yang hebat ini.

Cabaran sejauh **15.5 km** ini dibuka kepada orang ramai yang mempunyai stamina tinggi bagi membolehkan para peserta merentasi laluan yang mencabar ini. Peserta akan melalui laluan hutan yang berusia 130 juta tahun, bermula dari Taman Rekreasi Kuari dan berakhir di Dataran, Stesen Atas Bukit Bendera.

Sejak dilancarkan pada tahun 2014, *Penang Hill Heritage Forest Challenge* telah mendapat sambutan yang menggalakkan dan menjadi acara sukan kegemaran yang dapat menarik minat para pendaki dan pelari yang terdiri daripada semua lapisan masyarakat

Tujuan acara ini adalah untuk mempromosikan Pulau Pinang sebagai salah sebuah destinasi eko-pelancongan yang popular, serta meningkatkan kesedaran orang ramai terhadap penjagaan alam sekitar dan pemuliharaan warisan di Bukit Bendera.

Pada tahun ini, Perbadanan Bukit Bendera Pulau Pinang (PBBPP) akan bekerjasama dengan *Actife Style Concept*, Persatuan Penduduk Bukit Bendera dan Persatuan Olahraga Amatur Pulau Pinang. Acara ini disokong oleh Kerajaan Negeri Pulau Pinang melalui EXCO Belia & Sukan, YB Soon Lip Chee.

Para peserta yang ingin menyertai acara ini perlu bersedia dan menjalani latihan untuk menyesuaikan diri dengan keadaan kawasan serta ketinggian supaya berpeluang untuk dinobatkan sebagai juara acara ini.

PENANG HILL HERITAGE FOREST CHALLENGE 2022

Tarikh : 21 Ogos 2022 (Ahad)
Masa : 7.00 pagi – 1.00 petang
Garis Permulaan : Taman Rekreasi Kuari, Taman Botani
Garis Penamat : Dataran, Stesen Atas Bukit Bendera

Peta laluan perlumbaan dilampirkan bersama kenyataan media ini.

Penyertaan

Pihak PBBPP menyasarkan seramai 900 penyertaan untuk edisi kali ini. Pendaftaran dibuka kepada rakyat Malaysia dan peserta antarabangsa berdasarkan kategori seperti dibawah :

Kategori	Umur
A) Terbuka Lelaki	18 – 34 tahun
B) Junior Veteran Lelaki	35 – 49 tahun
C) Senior Veteran Lelaki	50 tahun dan keatas
D) Terbuka Wanita	18 – 39 tahun
E) Veteran Wanita	40 tahun dan keatas
F) Antarabangsa	Terbuka

- Umur dikira pada 21 Ogos 2022.
- Jika kurang daripada lima puluh (50) penyertaan yang diterima pada tarikh tutup penyertaan, pihak penganjur berhak mengubah kategori peserta ke kategori lain.
- Untuk Kategori F, jika kurang daripada lima puluh (50) penyertaan yang diterima pada tarikh tutup, pihak penganjur berhak untuk membatalkan dan membayar balik yuran pendaftaran kepada peserta

Hadiah Wang Tunai

Hadiah wang tunai yang akan ditawarkan kepada pemenang bagi kesemua 6 kategori adalah seperti berikut :

Kategori	Hadiah Wang Tunai
Tempat Pertama	RM 1,500.00
Tempat Kedua	RM 1,000.00
Tempat Ketiga	RM 500.00
Saguhati x 5	RM 200.00

Pemberian lain

- Semua peserta akan menerima pingat penamat larian dan e-Sijil pengiktirafan.
- Semua peserta yang berjaya menamatkan larian berpeluang memenangi hadiah cabutan bertuah

Yuran Pendaftaran

Yuran pendaftaran adalah **RM55** bagi pendaftaran *early bird* dari 12 – 31 Mei 2022 manakala pendaftaran standard **RM65** dari 1 – 30 Jun 2022. Pendaftaran secara atas talian dapat dibuat melalui pautan <http://www.actifestyle.com/events/PHHFC2022> , tertakhluk kepada terma dan syarat. Setiap peserta akan menerima beg saguhati dan baju t-shirt yang boleh diambil di Kaunter Informasi, Stesen Bawah Bukit Bendera semasa waktu pejabat pada jam 8:00 pagi - 5:00 petang bermula 17 – 20 Ogos 2022.

Tarikh tutup penyertaan adalah pada 30 Jun 2022

Orang ramai dijemput untuk menyertai larian PHHFC 2022 ini selari dengan matlamat Kerajaan Negeri untuk menjadikan Pulau Pinang lebih Bersih, Hijau, Selamat dan Sihat dengan menyertai acara yang bermakna ini. Selari dengan matlamat itu, PBBPP akan terus menganjurkan acara dan aktiviti sukan di Bukit Bendera bagi mempromosikan gaya hidup yang aktif dan sihat.

#TAMAT#

Mengenai Perbadanan Bukit Bendera Pulau Pinang (PBBPP)

Perbadanan Bukit Bendera telah ditubuhkan pada tahun 2009 melalui enakmen yang telah dipersetujui melalui persidangan Dewan Undangan Negeri. Tujuan utama penubuhan Perbadanan Bukit Bendera adalah untuk menguruskan perkhidmatan furnikular, pembangunan Bukit Bendera serta mengekalkan Bukit Bendera sebagai tempat pelancongan utama serta menjadi pusat pelancongan bertaraf dunia.

Untuk sebarang pertanyaan dan maklumat lanjut, hubungi Unit Komunikasi Korporat

Izatul Aziah binti Ismail
Penang Hill Corporation
Tel: 04-828 8880
izatul@penanghill.gov.my

Ahmad Aizat bin Khalid
Penang Hill Corporation
Tel: 04-828 8880
aizat@penanghill.gov.my

Vivien Loo
Penang Hill Corporation
Tel: 04-828 8880
vivienloo@penanghill.gov.my